

جَزَائِرَ حَاكِمِيَّة

جمعه ايرتسی

نومرو	ذی القعدة	سنه	نیسان	سنه	مخففه
۸۷۲	۱۹	۱۳۱۳	۲۰	۱۳۱۲	۱۲۲۶۹

(اشبو غزته بهر هفته جمعه ايرتسی کونلری چیقار . سنه لکی درسعات ایچون مجیدیه یکریمی فروش)
 (حسابیه التمش غروشدر . طشره لر ایچون اون بش غروش پوسته اجرئی ضم اولتور . بهر)
 (نسخه سی ینه مجیدیه یکریمی فروش اولق اوزره یوزیاره یه هر یرده صاتیلور . درج اولنه جق)
 (اعلاناتک هر برندن بر مجیدیه اخذ اولتور . سنه لکنه مشتری اولق استیانلر عدلیه نظاری)
 (دأره سنده کان جریده محاکم اداره سنه مراجعت ایللیدر)

قسم غیر رسمی

(دیار بکر بدایت محکمه سنندن ۴ کانون ثانی)
 (سنه ۲۰۸ تاریخی و قرق بر عددی ایله صادر)
 (اولان اعلامک مابعدی)

اجرا قلنان محاکمه به مدعی علیه یوسف اغا اجابت
 ایدوب خصمی طرفندن ابراز اولنان دفتر
 موجبجه دینی اقرار ایدوب انحق کندوسنک
 مدعی ذمتنده الاجنی اولان مبالغ معلومه نک دین

مذکورینه نقاص ومحسوب اولتمسنی طلب وادعا
 ایتمش ایسه ده جریان ایدن محاکمه وتدقیقات
 نتیجه سننده ابراز اولنان دفتر زیرنده کی امضا
 مزبور یوسف اغانک اولدینی کی مبلغ مدعا به
 دخی بورجی اولدینی اعتراف ایلمسنه وبوکی
 دفاتر تجاریه نک تجارت قانوننامه سی موجبجه معتبر
 اولدینی درکار بولتمسنه بناء مدعا به ایکی بیک
 یوز سکسان درت غروشک مومی الیه یوسف اغان
 تحصیلنه ومدعی علیه ک ایستدییکی حالده مدعی
 ذمتنده اولان الاجفندن طولای آروجه اقامه
 دعوا ده مختار اولدینه حکمدن ومستدعی تمیزک

اشبو اعلام علیه‌نده لایحه‌سندده محرر باشلوجه
اعتراضی غایباً اجرا قلنان محاکمه ده دعوانک
تجارت محکمه‌سنه عادیته قرار و بر بلرک مومی‌الیه
آغوب افندی طرفندن تجارت محکمه‌سنه آروجه
استدعا تقدیمه اقامه دعوی اولمق لازم کلورکن
استدعای سابق اوزرینه دعوی واقع‌نک تجارت
صفیله رؤیت و حکم اولمسی مغایر قانون
اولدیغندن بحکله اعلامک تقضی استدعا‌سندن
و مطالعه‌نامه مذکور مندرجاتی دخی دعوی واقع
حقوق عادیه دعواسی اولمق اوزره اقامه اولمشی
و انشای رؤیتنده مواد تجاریه دن اولدینی
اکلاسیله رق استدعای واقعک ردی ایله یکیدن
محکمه تجارت صفیله استدعا تقدیمی حالده
بشقه‌جه رؤیتی احکام قانونیه اقتضاسندن بولمشی
اولمسنه مبنی اعتراضات واقع‌نک موافق قانون
اولدینی بیانندن عبارت بولمشدور.

ایجابی مذاکره اولندقدده اعلام مذکور
مندرجاتندن منظم اولدینی اوزره دعوی
مذکورنک محکمه تجارت عائد اولدیغنه قرار
و برلمش اولمسنه نظراً مدعی طرفندن یکیدن
تجارت محکمه‌سی صفیله استدعا تقدیم و اعطاسیله
دعوانک فصل و رؤیتی لازم کلورایکن بوضورتله

تجدید استدعا اولمقمنزین رد اولنان ایلک استدعا
اوزرینه محاکمه و فصل دعوی اولمسی مخالف
اصول اولدینی کی مدعی علیه جانندن تقاض
و محسوب اولمسی استدعا ایلدیکی مبالغه دخی
برلکده فصل و رؤیت اولمق لازم کلور ایکن
آنک دخی آروجه استدعا تقدیم اولمسنه قرار
و برلمسی مغایر قانون اولدیغنه و مستدعی تمیزک
بالاده محرر اعتراضیله سالف البیان مطالعه‌نامه
مذکور مندرجاتی بوجهته متدائر اوله رق موافق
نفس الامر کورلدیکنه بناء اصول محاکمه حقوقیه
قانوننک ایکوز قرق برنجی ماده‌سی موجبجه
اعلام مذکورنک تقضیه و قانون من بورک ایکوز
قرق درونجی ماده‌سی حکمنه توفیقاً کیفیتک یکیدن
بالرؤیه اعلامه ربطی ضمننده محکمه مذکوریه
اعاده‌سنه وزیرده مفرداتی مرقم درتیوز طقوز
بیحق غروش مصارف تمیز به‌نک ایلروده حقسنز
چیقه‌جق طرفه رجوع ایتمک اوزره اول امرده
مستدعی تمیزدن استیفا‌سنه ۲۵ حزیران سنه ۳۱۰
تاریخنده متفقاً قرار ویرلدی.

کر بلا بدایت محکمه‌سندن ۲۸ حزیران
سنه ۳۰۸ تاریخی و اون اوچ عددی ایله اعطا
قلنان اعلامک تمیزی استدعا ایلدن نجف قصبه‌سنک
براق محله‌سندده مقیم مجید بن موسی وکیل
کیغورق افندی یوم‌معینه دائره کلوب مدعی علیه
قضاء مذکورده عماره محله‌سندده ساکن شیخ
مهدی افندی کلدیکی کی لایحه جوابیه دخی
کوندردیکندن وکیل مومی‌الیهک ایضاحات
شفاهی‌سی استماع قلندقدن صکره تدقیقات تمیزی
اجرا‌سنه ابتدار اولندی.

اعلام مذکورنک خلاصه مآلی نجف قصبه‌سندده
کائن معلوم الحدود برقطعه بفتح‌نک برثلث حصه‌سی
من بور شیخ مهدی افندی‌نک ملکی ایدوکی
استماع قلنان شهودک شهادت‌لری و طابو سنداتیله
ثابت اولمسنه بناء حصه مذکورده دن مرقوم
مجیدک منع مداخله‌سی حکمنی حاوی نجف بدایت
محکمه‌سندن صادر اولان اعلامک استیفاً
بالتدقیق فسخره دائر ویریلان اعلام علیه‌نده
مرقوم شیخ مهدی افندی طرفندن اعطا قلنان
اعاده محاکمه استدعا‌سنک قبولیه جریان ایدن
محاکمه و تدقیقات نتیجه‌سندده حکم ابتدائی
مذکورنک تصدیقته قرار ویرلدیکندن و مستدعی

تمیزک اشبو اعلام علیه‌نده لایحه‌سندده محرر
باشلوجه اعتراضاتی خصم جانندن ابراز اولسان
دفترخاقانی سندی قیود خاقانیدن معدود اولدینی
حالده درجه اولی محکمه‌سنجه سندات مذکورده‌نک
قیود خاقانیدن عدیله اکا بنای حکم ایدلمسی مغایر
قانون ایکن عندالاستیفاف حکم ابتدائینک تصدیق
ایدلمسی مغایر قانون اولدیغندن بحکله اعلامک تقضی
استدعا‌سندن عبارت بولمشدور.

ایجابی لدی المذاکره اعلام مذکور
مندرجاتندن مستبان اولدینی اوزره دعوی واقع
اعاده محاکمه طریقله بالرؤیه تحت حکمه النمش
اولوب انحق اصول محاکمه‌نک ایکوز اوننجی
ماده‌سی موجبجه معید محاکمه اولان من بور شیخ
مهدی افندی به‌نک تیغنه دائر اعلام مذکورده
برصراحت اولمامسی و حکم ابتدائی فسخر اولمسی
جهتیله دعوانک محکمه مذکورده‌جه مجدداً فصل
و رؤیت اولمسی لازم کلور ایکن بوجهته دقت
ایدلمیه‌رک مفسوخ اعلام ابتدائیده محرر شهادته
بنای حکم اولمسی و طابو سندات قیود خاقانیدن
معدود اولدینی حالده سندات مذکورده‌نک قیود
خاقانیدن عد و اعتبار ایدلمسی و مستدعی تمیز
منازع فیه محله قرق سندنبرو تصرفی ادعا ایتمسنه

آنکجی صوفیه نوس اوغلی استراطی وکیلی
یوردا ناکی رفا ئیلیدی افسدی ایله مدعی علیها
ازمیدده روملر محله سنده خرمندار یورغا کینک
خانه سنده مقیمه ماریه قالدین وکیلی استقان افکر
افدینک ایضاحات شفاهیله لری ایله باش مدعی
عمومی معاونلرندن سعادتلو یورغا کی افدینک
مطالعه سی استماع قلندی .

اعلام مذکورک خلاصه مآلی ازمیدده
روملر محله سنده کائن اوج حصه سی من بوره ماریه
قالدینک و بر حصه سی دخی مرقوم استراطینک
عهده تصرفلرنده بولسان بر باب خانه ده اولاً
من بوره ماریه قالدین اقامت ایتمک اوزره مهائیه
اجراسنه دائر ازمید بدایت محکمه سندن صادر
اولان اعلام غیابینک اعتراض علی الحکم اوزرینه
فسخيله مذکور اوج حصه نک دخی مرقوم
استراطی طرفندن بدل معلوم مقابلنده من بوره
ماریه قالدیندن تفرغ ایدیش اولدینک متره بولید
خانه سندیلر تحققة مبنی خانه مذکوردن
من بوره نک منع مداخله سنده دائر ویریلان اعلام
وجاهی بی من بوره ماریه قالدین عدم قبول ایله
استیناف دعوی ایلیمی اوزرینه جریان ایدن
محاکمه و تدقیقات استینافیه نتیجه سنده اعلام

کوره ادعای مذکورک نظر دقته الهرق اولیابده
تدقیقات اجرایی لازم کلور ایکن بوجه نک دخی
مسکوت عنه براغلمسی مغایر قانون اولدینندن
اصول محاکمه حقوقیه قانوننک ایکپوز اوتوز
ایکنجی و ایکپوز قرق برنجی ماده لری موجبجه
اعلام مذکورک تفضيله قانون من بورك ایکپوز
قرق دردنجی ماده سنده توفیقاً کیفیتک صورت
مشروحه دائره سنده یکیدن بالرؤیه اعلامه ربطی
ضمننده محکمه مذکوریه اعاده سنده وزیرده
مفرداتی مرقم درتیوز اون درت بحقی غرض
مصارف محاکمه نک ایلروده حقینز حقیقه جق طرفه
رجوع ایتمک اوزره اول امرده مستدعی تمیزدن
المنسبه ۱۲ شباط سنه ۳۰۹ تاریخنده متفقاً قرار
ویریلرک تفهیم قلندی .

محکمه استیناف حقوق قسمندن ۱۲ ایلول
سنه ۳۰۶ تاریخی و یوز اون بش عددی ایله
صادر اولان اعلامک تمیزینی استدعا ایدن ناقمه
حاننده اون اوج نومرولی اوطه ده ساکن

مجنون بولندینی عندالاستیناف درمیان اولنش
ایسه ده حال جنتی عقددن صکره وقوع بولندینی
بالتحقیق اکللا شلمش اولدینقه مبنی بوجه
حقنده کی اعتراضک موافق قانون اولدینی بیانندن
عبارت بولمشدر .

ایجابی مذاکره اولندوقده مندرجات اعلامدن
ا کللا شلدینی اوزره منازع فیه خانه حصه سی
حقنده مرقوم استراطی طرفندن تصدی شرا
دعواسنه قارشو من بوره ماریه قالدینک درمیان
ایلدیکی اقامه خصوصی دفع دعوی دیمک اولوب
انجق مدعینک شرا دعواسی سنده مربوط
اولدینندن سنده قارشو درمیان اولنان مذکور
اقاله دعواسنک ینه سند ایله اثبات ایدلمسی اصول
محاکمه حقوقیه قانوننک سکسان دردنجی ماده سی
ایجابندن ایکن محکمه جه بوراسنه دقت اولنیهرق
شهود شخصیه استماعیه اقاله نک وقوعه حکم
وبرلمسی مغایر قانون اولدینقه بناء اصول محاکمه
حقوقیه قانون موقتک ایکپوز اوتوز ایکنجی
ماده سی موجبجه اعلام مذکورک تفضيله قانون
مذکورک ایکپوز قرق دردنجی ماده سنده توفیقاً
کیفیتک بالرؤیه اعلامه ربطی ضمننده محکمه
مذکوریه اعاده سنده وزیرده مفرداتی مرقم اوج

ابتدائینک فسخيله حصه منازع فیه حقنده عقد
اولنان بیعت مؤخرأ طرفین بیننده اقامه ایدلدیکی
شهادت واقعه ایله ثابت اولسینه مبنی مرقوم
استراطینک منازع فیه خانه حقنده کی مداخله سنک
منفیه دائر غیاباً صادر اولان اعلام استینافینک
عندالاعتراض تصدیقه حکمدن واشبو حکم
علیهنده مستدعی استراطی وکیلی یورداناکی
رفا ئیلیدی افدینک باشلوجه اعتراضی بیع واقع
متره بولید خانه نک برقطعه سند رسمیه سنده مستند
بولندینی جهتله بوکا قارشو من بوره ماریه قالدین
جانبندن سرد اولنان اقامه ادعاسنک دخی سندله
اثبات اولنمی حکم قانون اقتضاسندن اولدینی
حاله محکمه استینافیه جه بوراسی نظر دقته النیهرق
من بوره طرفندن بویابده اقامه اولنان شهود
شخصیه نک استماعیه موکلنک علیه قرار ویرلمسی
مغایر قانون اولدینندن بمحله اعلامک نقضی
ومدعی علیها ماریه قالدینک وکیلی استقان افکر
افدینک نتیجه جوابی اقامه نک وقعی موکله سی
طرفندن اقامه واستماع اولنان شهودک شهادتلرله
ثابت اولوب بناء علیه اعتراضات واقعه نک واهی
ونقض حکمی غیر مؤدی بولندینی بیانیه ردی
واعلامک تصدیق طابندن و معاون موسی الیهک
مطالعه سی دخی مستدعی مرقومک اثنای عقدده

بوز الی طقوز بچق غروش مصارف تمیزیه نک
ایلووده حقسز حقیقه جق طرفه رجوع ایتک اوزره
اول امرده مستدعی استراطیدن اخذینه ۹ تموز
سنه ۳۰۷ تاریخنده اکثریتله قرار ویریلرک
تفهیم قلندی .

پرشته بدایت محکمه سی تجارت قسمندن
۲۹ کانون ثانی سنه ۳۰۹ تاریخی و التمش عددی
ایله ویریلان اعلامک تمیزی استدا ایدن
پرشته ده علاء الدین محله سنده مقیم رفعت ایله
مدعی علیه پرشته نک حسن بک محله سنده ساکن
تجاردن ناستو ولد ارضو یوم معینده دائره
کلکارندن اصول محاکمه حقوقیه قانونک ایکوز
یکرمی طقوزنجی ماده سی موجبجه تدقیقات تمیزی
اجراسنه ایتدار اولندی .

اعلام مذکورک خلاصه مالی تاجر مرقوم
ناستونک پرشته لی شعبان افندی به صامش اولدینی
ذخیره اتمانندن ذمتنده باسند الاجینی اولان

معلوم المقدار مبلغدن الی لیراسنی ایفا متبایسینی
دخی مز بور رفعت اغایه حواله ایتش و محال علیه
مرقوم بر مقدار مبلغ تسویه واعطا ایدوب متبای
بیک التیوز غروشی ویرمکن امتناع ایتمکه
بولتمش اولدینی کبی دین سندی خدمتکاری یوان
طرفندن اخذ و ضبط اولتمش اولدیفندن بختله
مبلغ مذکورک تحصیل ویا خود سند مضبوطک
بالاسترداد طرفنه تسلیمنی طلب و دعوی ایتسینه
قارشو مدعی علیه رفعت اغا دخی محال بهی جسته
جسته مدعی مرقومه ایفا ایدوب متبای معلوم المقدار
مبلغی خدمتکاری یوانه تأدیه ایدرک دین سندی
استخلاص ایلدیکنی مدافعه درمیان ایتش ایسه ده
دفع مذکورینی اثبات ضمننده اقامه ایلدیکی
شاهدلرک استماعیه اولباده اجرا قلنان محاکمه
و تدقیقات نتیجه سنده موکلی طرفندن شهود
مستمعه نک بروجه مشروح دنع مدعا به مطابق
صورته ادای شهادت ایده مدکرکی کبی بشقه
شاهدی دخی اولوبوب خصوصیه مدعینک بوباده
تحلیفی طالب اولدیغنه بناء مبلغ متبای مذکور
بیک التیوز التمش بر غروش سکرز پاره نک
مدعی علیه مرقوم رفعت اغادن تحصیلنه حکمدن
و مستدعی تمیز رفعت اغانک حکم مذکور
علیهندکی اعتراضاتک باشلوجه سی بین التجار

وقوع بوله جق بوکی دعاوینک میزله حواله سی مقتضی
اولمغه برابر کندوسنک وقوع بولان مدفوعاتک
حساب و تدقیقه تین ایده جک دین صحیحنک تحصیلی
حکم قانون اقتضاسندن ایکن فضله مدعانک اثباتی
طرفنه کیدلسی واستماع قلنان شهودک شهادتلی
ثبوت مدعایه مانع اولدینی حالده شهادتلی
قبول ایدلامسی بولمز و مغایر قانون اولدیفندن
بختله اعلام مذکورک تقضی و مدعی علیه ناستونک
لایحه سنده مندرج نتیجه اجوبه سی دخی اعتراضات
مسروده نک واهی و بی اساس اولدینی بیانیله
ردی و موافق اصول و قانون اولان اعلامک
تصدیقی طلبند عبارت بولمشدر .

ایجابی مذاکره اولندقدده اعلام مذکور
مندرجاتندن مفهم اولدیغنه کوره مدعی علیه
دینندن باقی الی عدد سیم مجیدی بی مدعینک آدمی
وامینی طانویه تسلیم ایلدیکنی مدافعه درمیان
ایدوب اشبو دفعنک اثباتی ضمننده اقامه ایلدیکی
شاهدلرک بری سند و دیگرکی پوصله بی مرقوم
طانو مدعی علیه رفعت اغایه ویرمشدر دیمسندن
طولانی کوریلان اختلاف مانع شهادت اولور
اختلافاتدن اولدیغنه مبنی مرقوم طانونک جلیله
آنک . و اوجه سنده شاهدلرک استماع قلنرق

امر تزکیه لری اجرا ایدلدکدن صکره اکا کوره
حکم اعطاسی و میان ادعا و انکارده قلان التیوز
غروش ایچون دخی تدقیقات لازمه اجرا قلمسی
مقتضیات قانونیه دن ایکن بورالردن ذهول
اولمسی مخالف قانون بولتمش و اعتراضات واقعه
بو جهته متاثر اوله رق شایان قبول کورتمش
بولدیغنه بناء اصول محاکمه حقوقیه قانونک
ایکیوز اوتوزایکسجی وایکیوز قرق برنجی ماده لری
موجبجه اعلام مذکورک تقضیه قانون مذکورک
ایکیوز قرق درنجی ماده سی حکمنه توفیقاً کیفیتک
صور محرره دائره سنده یکیدن بالرویه اعلامه
ربطی ضمننده محکمه مذکوریه اعاده سنه وزیرده
مفرداتی مرقم درتیوز اون طقوز بچق غروش
مصارف تمیزییه نک ایلروده حقسز حقیقه جق طرفه
رجوع ایتک اوزره اول امرده مستدعی تمیزدن
استیفاسنه ۲۵ مارت سنه ۳۱۱ تاریخنده بالاتفاق
قرار ویرلدی .

قدس شریف بدایت محکمه سندن ۲۸ مایس

سنه ۳۰۸ تاریخی واون درت عددی ایله استینافاً ویریلان اعلامک تمیزی استیناف ایدن یافته ساکن تجاردن میخائل موسی متری ایله مدعی علیه تجاردن یوسف مویاک وکیلی الیاس رسام افندی یوم معینه دائره کلکاردن ایضاحات شفاهیله باش مدعی عمومی معاونلرندن سعادتلو یورغاک افندیکنک مطالعه سی استماع قلنهرق تدقیقات تمیزیله اجرا سنه ابتدار اولندی.

اعلام مذکورک خلاصه مالی مرقوم یوسف مویاک یافته خارجنده کائن معلوم الحدود ایکی قطعه باغک نصفه متصرف اولدیغنه دائر اولاً غیباً و اخیراً اعتراض علی الحکم استیناف اوزرینه وجهاً بالمحا که استحصال ایلدیکی اعلام علیهنده مرقوم میخائل متری جانبندن استیناف دعوی اولنمش ایسه ده منازع فیه باغلرک مجموع قیمتی الی لیرادن عبارت بولنمش ونصفی ایسه مرقوم یوسف مویاک اولدینی جهته دعوی واقعه نیک حد استینافدن دون اولوب قابل استیناف اولدینی تین ایش اولسنه مبنی استیناف استیناف سنک ردینه دائر ویریلان حکم عندالتمیز تقدیر قیمت خصوصی مدعینک ادا سنده یاخود حین محاکمه ده طرفینک واقع اوله حق افاده لریله اوله بیله جکی

اصول محاکمه حقوقیه قانوننک یوز یتیش بشنجی ماده سی اقتضاسندن ایکن بدایه بولده تقدیر قیمت ایدلکسزین دعوی واقعه نیک قابل استیناف اولدیغنه قرار ویرلسندن طولانی نقض واعاده اولنسی اوزرینه محکمه مذکوره ده بتکرار اجرا قلنان محاکمه وتدقیقات استینافیه نتیجه سنده مستأنف میخائل متری مذکور باغلرک رسمی قوجانلر موجبجه صاغ اقیچه اوله رق اون بیک غروشی متجاوز قیمتی اولدیغنی ادا ایش ایسه ده بومقدار قیمتی اولسه بیله مقدما مذکور باغلرک نصفی مرقوم یوسف مویاک عهده سنده ونصف دیگرینک دخی مرقوم میخائل متری ایله ابراهیم یوحنا عهده لرنده اولدیغنه دائر یافته بدایت محکمه سنده حکم اولنمش و ابراهیم یوحنا علیهنده ویریلان اعلام استیناف اولنجوب کسب قطعیت ایتیکله مرقوم میخائل متری عهده سنده بولنان قسمینک قیمتی ایکی بیک بشیوز غروشدن عبارت اوله جغه کوره دعوی واقعه نیک قابل استیناف اولدینی اکلاشلمش اولدیغندن اصول محاکمه حقوقیه قانوننک یوز یتیش اوچنجی و یوز یتیش دردنجی ماده لری موجبجه استیناف دعوی سنک ردینه حکمدن واشبو حکم علیهنده مستدعی تمیز میخائل موسی مترینک باشلوچه

اعتراضاتی منازع فیه باغلرندن عهده سنده بولنان قسمینک قیمتی اون بیک غروشی متجاوز اولدینی اوراق رسمیه ایله ثابت بولنمش ایکن بش بیک غروشدن دون بولندیغنه ذهابله استیناف استیناف سنک ردینه حکم اولنسی مخالف قانون اولدیغندن بحثله اعلامک نقضی استیناف سنندن ومدعی علیه یوسف مویاک نتیجه جوابی اعتراضات واقعه واهی ایدوکی بیانیله ردی و اصول وقانونه موافق اولان اعلامک تصدیق طلبندن ومعاون موسی الیهک مطالعه سی دخی مقدم اعلام تمیزیله کوسترلدیکی اوزره تقدیر قیمت ماده سی مدعینک استیناف سنده و یاخود طرفینک اثنای محاکمه ده افاده لرنده اولق اصول محاکمه نیک یوز یتیش بشنجی ماده سی اقتضاسندن اولدینی حالد اشبو دعوا ده او بولده تقدیر قیمت اولنمش و اثنای محاکمه ده مدعی عمومینک مطالعه سی استماع قلنمش اولسنه مبنی اعتراضات واقعه نیک موافق قانون اولدینی بیانندن عبارت بولنمشدر.

ایجابی مذاکره اولندقدن اعلام مذکور مآلندن اکلاشلدینی اوزره منازع فیه اولان باغک قیمتی بش بیک غروشدن دون اولسبیله دعوی واقعه نیک قابل استیناف اولدیغنه مبنی محکمه

استینافیه ده اخیراً استیناف استیناف سنک ردینه قرار ویرلش ایسه ده اصول محاکمه حقوقیه قانوننک یوز یتیش بشنجی ماده سی حکمنجه مقدار غیرمعین دنیلان دعوالر حد ذاتنده تقدیر قیمتی ممکن اولمیان و یاخود ممکن اولوبده طرفیندن تقدیر قیمت قلنمیان مواد اولوب خصوص مدعا بهده ایسه بدایه جریان ایدن محاکمه اثناسنده بولوده تقدیر قیمت ایدلماش اولسنه نظراً ماده مذکوره موجبجه دعوی واقعه اساساً قابل استیناف اوله رق محکمه استینافیه ده رؤیت اولنق لازم کلور ایکن محکمه مذکوره ده بوراسندن ذهول ایله استیناف استیناف نامه سنک ردینه قرار ویرلسی یولسز ومخالف قانون اولدیغندن اصول محاکمه حقوقیه قانوننک ایکوز اتوز ایکنجی ماده سی موجبجه اعلام مذکورک تقضیه قانون مزبورک ایکوز فرق دردنجی ماده سی حکمنه توفیقاً کیفینک قانون دائره سنده بالرؤیه اعلامه ربطی ضممنده محکمه مذکوره ده اعاده سنه وزیرده مفرداتی مرقم اوچیوز التمش طقوز بحق غروش مصارف محاکمه نیک ایلروده حقسز حقیقه جق طرفه رجوع ایتک اوزره اول امرده مستدعی تمیز میخائل موسی متریدن اخذینه ۱۳ تموز

سنه ۳۱۱ تاریخ‌ننده متفقاً قرار ویریه رك
تفهیم قلندی .

سرفیچه سنجانی بدایت محكمه سندن ۱۸
شباط سنه ۳۰۸ تاریخی واون ایکی عددی ایله
ویریلان اعلامك تمیزی ناسیح قصبه‌سك حسین
چاوش محله‌سنده ساکن خورشید بك زاده حمزه
بك باعرضحال طلب واستدعا ایلدیکی حالده یوم
معینده دائره‌یه کلامش ایسه‌ده مدعی علیه مالیه
خزینة جلیله‌سی وکیلی سعادتلو رشید افندی
کلش اولدیقندن ایضاحات شفاهیه‌سیله باش مدعی
عمومی معاونلرندن سعادتلو یورغای افندیك
مطالعہ‌سی استماع قلندقدن صکره تدقیقات تمیزیه
اجرا سنه ابتدار اولندی .

اعلام مذکورك خلاصه مالی مزبور حمزه بك
کفالتیله برادری ادهم بك ایکیوز طقسان التی
سنه سنه محسوباً درعهده والتزام ایش اولدینی
ناسیح قضاسی اعشارندن وانبارلرده دخی چودار
ائمانندن طولانی غیر از تسلیات خزینة جلیله‌یه
دینی بولتان التی بیک اون غروشك تحصیلی

خزینة مشار الیها وکیلی روشن افندی ناسیح
قضاسی بدایت محكمه سنه مراجعتله طلب ودعوی
وبرقطعه سند ابرازواعطا ایتسنه قارشو مدعی علیه
مزبور حمزه بك دخی بوبابده کی کفالتی
بعدالاقرار انجیق ذخائر مذکورك بیک درتیوز
یکرمی بش کیل استانه چوداردن طقوز یوز
طقسان بش کیل یدی یجق طاسی ملتزم مقبوضی
اولوب متبایسی تمتع التحصیل اولدیقندن بونك
حکومت سیه‌جه اهالیدن تحصیلی لزومی وبومقوله
متعسر التحصیل ذخائر عشریه دن طولانی ملتزم
مرقومه وقوعبولان کفالتندن مسئول اوله‌میه جغفی
مدافعة تذکار ایلمسی اوزرینسه جریان ایدن
محاکات و تدقیقات نتیجه‌سنده مناز فیه ذخائر
حکومتجه تحصیلی حقنده احاله سندنده برکونه
مقاوله اولدینی کی سندن احکامی دخی تعدیل
وتغییر ایده‌جك مجلس اداره دن مضبطه اولدینی ملتزم
ادهم بك معاملات مبعوثه‌ك ایفاسنجه عدم
تقیداتی برائت ذمتی مستلزم اوله‌میه جغندن
ماعداد سنه سنه احاله اولنان ذخیره انبارلرده
مدخر چوداردن عبارت اولوب ذم اهالی به دائر
برقید و اشارت کوریه مدبکندن مجله‌ك یوزنجی
ماده‌سی موجبجه کفیل مزبورك ادعای واقعه‌سك
ردینه و مبالغ مدعا بهك مع فائض بالغ اولدینی

اون ایکی بیک یوز اوتوز بش غروش اوتوز
پاره‌ك کفیل مزبور دن تحصیلنه دائر محكمه
مذکورك دن ویریلان اعلامك عندالاستیناف
تصدیقته حکمدن و مستدعی تمیز حمزه بك
اشبو حکم علیه‌نده لایحه‌سنده محرر اعتراضاتك
خلاصه‌سی مستند حکم اولان کفالت سندنیک
عیناً ویاخود خلاصه اعلام تمیز به درج ایدلماش
اولدینی کی حکم اولنان فائض دخی بر مثلی
تجاوز ایلماش اولدینی جهته بونك دخی نظر اعتباره
الناسی و مذکور ذخائر تحصیل اولدینی
علم وخبرله اثبات ایدلیکی حالده حکم محکمه
مسکوت عنه بر اقلیمی یولسز و مغایر قانون
اولدیقندن بختله اعلامك نقضی استدعا سندن
ومدعی علیه مالیه خزینة‌سی وکیلی رشید افندیك
نتیجه اجوبه‌سی دخی اعتراضات مسروده ك
واهی و بی اساس اولدینی بیانیله ردی و موافق
اصول وقانون اولان اعلامك تصدیقی طلبندن
ومعاون مومی الیهك مطالعه‌سی ایسه بدایة
واستینافاً اجرا قلنان تحقیقات و محاکات دن مبلغ
مدعا بهك مستدعی تمیزك حسب الکفاله دینی
اولدینی تبیین ایتسیله اعتراضات واقعه‌ك موافق
قانون کوریه مدیکی بیانندن عبارت بولمشدر .

ایجابی مذاکره اولندقدن اعلام مذکور
مطالعہ‌سندن مفهم اولدینی اوزره اساس دعوی
علی‌الاصول احاله اولنان اعشار التزامی دعواسی
اولیوب کیله حسابیله فروخت اولنان چودار
ائمانندن متولد بولدینی و عندالحا که مزبور
حمزه بك ذخائر مذکورك بر قسمی ملتزمه
تسلیم اولدینی جهته مواخذة اولنه‌میه جغفی ادعا
ایتمکده اولسنه کوره محكمه‌جه اول امرده
اولبابده تعاطی ایدیلان احاله سندی نظر دقته
الذهرق ذخائر مذکورك وکیل ایله تقدیر فیثات
ایدیله‌رك فروخت ایدلماش و میسج ایسه تماماً تسلیم
اولنماش اولدیقندن محكمه‌جه بورالریك نظر
اعتباره الذهرق حاصل اوله‌جق نتیجه‌یه کوره
حکم ویرمك لازم کسور ایکن اولوجهله قرار
ویرلمسی یولسز و مغایر قانون اولدیقنه و مستدعی
حمزه بك اعتراضی دخی بوجهته دائر اوله‌رق
شایان قبول بولندیقنه بناء اصول محاکمه حقوقیه
قانونك ایکیوز اوتوز ایکنجی ماده‌سی موجبجه
اعلام مذکورك نقضیه قانون مذکورك ایکیوز
قرق دردنجی ماده‌سی حکمنه توفیقاً کیفیتك صور
محرره وجهله اعلامه ربطی ضمنتده محكمه
مذکوریه اعاده‌سنه وزیرده مفرداتی مرقم درت
یوز طقوز یجق غروش مصارف تمیزیه‌ك ایلروده

حقسز چيقه جق طرفه رجوع ايتك اوزره اول
امرده مستدعين الخمسنة ۲ مايس سنه ۳۱۱
تاريخنده متفقاً قرار ويريلهرك تفهيم قلندي .

اسكيشهر بدايت محكمه سندن ۱۰ تشرين اول
سنه ۳۰۸ تاريخي ويكرمي يدي عددی ايله
ويريلان اعلامك تميزيني استدعا ايدن اسكيشهر
قصبه سنك آقچقلان محله سنده مقيم لوله طاشي
تجارندن معدن زاده حاجي حسين اغا وكيلى حسن
تحسين افندي يوم معينده دائره به كلوب بيمر عليه
قصبه مذكوره دائره بلديه سي رياستي جانبندن بر
وكيل كوندردمديكندن مستدعي تميز وكيلى
مومي اليه حسن تحسین افنديك ايضاحات
شفايه سيله باش مدعي عمومي معاونلرندن سعادتلو
يورغاكي افنديك مطالعه سي استماع قلندقدنصكره
تدقيقات تميزيه اجراسنه ابتدار اولندي .

اعلام مذكورك خلاصه مالى من بور حاجي
حسين اغانك اسكيشهر قصبه سنك بئجه لر التي نام
محلنده كان باطابو متصرف اولديني معلوم الحدود

برقطه ترلاسنك كونا هيه نهري جهتده اولان
بردونم محله محلي بلديه سي طرفندن فضولى
سلخ خانه بنا وانشاسنه مباشرت اولنديغندن بختله
مذكور سلخ خانهك قلع ورفعي طلب ودعوى
ايتسنة قارشو بلديه وكيلى دخي ذكر اولنان
سلخ خانه محلي نهركيرك حريمي اولديني وبو مثلو
منافع عموميه عائد محلا ره بلديه جانبندن ايتيه
انشا ايديله بيله جكني مدافعه درميان ايلمسي
اوزرينه محكمه جه اولبايده اجرا قلنان محلا كه
وتدقيقات نتيجه سنده محل منازع فيهك كشفنه
تعين قلنان نائب واهل خبره جانبندن اعطا قلنان
راپور مندرجاته نظراً ذكر اولنان ايتيهك
مدعي من بورك ترلاسنك براولك محله ايراث
مضرت ايلديكي ثابت اولسنة مبنى محلهك بيك
ايكيوز برنجي ماده سي موجبجه مضرت اوقعهك
جانب بلديه دن دفع ورفعه حكمدن ومستدعي
تميز حاجي حسين اغا وكيلى حسن تحسین افنديك
اشبو اعلام عليهنده كي اعتراضاتك باشلوجه سي
ذات دعوى اموال غير منقوله دن منبعث اولديني
حاله محل منازع فيه كمك طرفندن وضع يد
اولنديني بالينه اثبات ايتديرلامسي مغاير قانون
اولديغندن بختله اعلامك نقضى استدعا سندن
ومدعي عليه اولان بلديه دائره سي رياستي جانبندن

اعطا قلنان لايحه جوابيهك نتيجه مالى اعتراضات
واقعهك واهي اولديني بيانيله ردی و موافق
قانون اولان اعلامك تصديقي طلبندن ومعاون
مومي اليهك مطالعه سي دخي كشف حقنده
ويريلان قرار ايله نائب طرفندن تنظيم اولنان
تقرير طرفينه تبليغ ايدلامش ومنازع فيه اولان
سلخ خانه مدعينك تحت تصرفنده بولنان ترلاده
وياخود نهرك حريمنده انشا اولنوب اولنديني
نقطه سي تعين قلنامش اولسنة مبنى اعتراضات
واقعهك موافق قانون اولديني بيانندن
عبارت بولمشدر .

ايجابي مذاكره اولندقدن اعلام مذكور
مطالعه سندن منفهم اولديني اوزره دعواي واقعه
من بور حاجي حسين اغانك متصرف اولديني
اراضينك حدودي داخله انشا قلنان سلخ خانهك
هدم ورفعي طلبندن عبارت اولسنة كوره اول
امرده منازع فيه اراضيه كيمك طرفندن وضع يد
اولنديقك بالينه اثبات ايتديرلامسي لازم كلورك
محكمه جه بوجهك نظردفته النيه رق ذي الديللك
بالينه اثبات ايتديرلامسي ومدعي من بور حاجي
حسين اغانك اثبات مدعا ضمننده ابراز ايلديكي
تصرف سندنده محل منازع فيهك برجهتي خرق

اولديني كوسترلسنه نظراً مذكور ترلانك نهري
ايله مي يوغيسسه ديكر بر خرق ايله مي متصل
اولديني حقنده تدقيقات لازمه اجراسيله تبين
ايدجك حالك اعلام تميزيه درج وتتميق ايدلامسي
وخصوصيله كشف راپورتك برقره سنده مدعي
من بور طرفندن هدم وقلبي ادعا قلنان سلخ خانهك
مدعينك تحت تصرفنده بولنان محلك حدودي
داخلنده انشا قلنامش اولديني محرر اولديني
جهتله فقره مذكوره موجبجه ذكر اولنان
سلخ خانهك قلبي جهتي نظردفته النيه رق مذكور
راپورك ديكر برقره سنده اراء اولنديني وجهله
مذكور سلخ خانهك ايراث ايلديكي مضرتك
دفعنه حكم اولنسي اصول وقانونه مغاير ومستدعي
وكيلك اعتراض دخي موافق نفس الامر
بولنديقه بناء اصول محاكمه حقوقيه قانون موقتك
ايكيوز اوتوز ايكنجي وايكيوز قرق برنجي ماده لري
موجبجه اعلام مذكورك نقضيله قانون من بورك
ايكيوز قرق درونجي ماده سي حكمنه توفيقاً كيفيتك
صور مشروحه دائره سنده يكيدن بالرؤيه اعلامه
ربطى ضمننده محكمه مذكوره به اعاده سنه وزيرده
مقداتي مرقم درتيوز اون درت بيق غروش
مصارف تميزيهك ايلروده حقسز چيقه جق طرفه
رجوع ايتك اوزره اول امرده مستدعي تميزون

اخذينه ۲۴ كانون ثاني سنه ۳۰۹ تاريخه متفقاً
قرار ويريلهرك تفهيم قلندي .

محكمة استيناف تجارت قسمندن ۲۶ حزيران
سنه ۳۰۶ تاريخي وقرق سكرز عددي ايله ويريلان
اعلامك تميزيني استندا ايدن اطنده مقيم
قيصريه لي كون تجارندن طاملاميان سارم اغا وكيلى
كر قور قلايجيان افندي ايله مدعى عليهم اطنده
ساكن قوندره جي فرنك اوغلي كرقور وقرنداشي
ملقون اغار يوم معينده دائريه ورودا تملكردن
اصول محاكمه حقوقيه قانونك ايكوز يكرمي
طقوزنجي ماده سي موجبجه تدقيقات تميزيه
اجراسنه ابتدار اولندي .

اعلام مذكورك خلاصه مالي مزبور سارم
اغانك مرقومان كرقور و ملقون اغار ذمتلرند
كوساله وامتنه سائر دن بادفتر مطلوبى اولان
بش بيك بشيوز غروش اوتوز پارهك تايمين
استيفاسي ضمننده مرقومانك امواله وضع ايتديكي

جزك تاييد و تصديقي ضمننده تايمين قلنان يوم
محاكمه ده اغاي مرقومك حاضر بولنامسى حسييله
حق محاكمه سنك موقتاً سقوطنه قرار ويرلش
ايسوده اموال مذكوره بي تكرار تحت جزه
الديرديني جهتله جز مذكورك ابقاي احكاميله
مبالغ مذكورك تحصيلي حقنده اقامه ايتديكي دعوايه
قارشو مدعى عليهم وكيلى دخي مزبور سارم اغانك
مقدما حق محاكمه سنك سقوطنه قرار ويريلهرك
اخيراً قرار مذكور دخي اعتراض على الحكم
اوزرينه تصديق اولنش وشو حالده دعوای
واقعهك بتكرار رؤيتي غير جائز بولنش اولديني
درميان ايتش ايسوده حق محاكمه موقتاً
سقوطنه دائر ويريلان حكم غياييك عرضحال مذكور
اوزرينه حق دعوى و محاكمه كيني اسقاط ايدميه .
جكندن اعتراض مذكورك رديله طرفينك ابراز
ايتدكري اوراق اوزرينه اساس ماده حقنده كي
ادعا ومدافعه لري استماع اولندقدن صكره سبق
ايدن محاكمه و تدقيقات نتيجه سننده مدعى عليهم
مرقومانك حسابندن متباقى بورجلري ويريلهرك
ميانه لرنده كي اخذ واعطا معامله لرنيك قبانديني
حقنده درميان ايتدكري دفع دعوالرينك حساب
نميجه معطوف اولديني مدعى طرفندن بيان ايديلوب
حالبوكه ابراز اولنان پلانچونك بالاسننده اسكي

حسابدن مدور برشي مقيد اولماسيله حساب
مذكورك قبادلش ايدوكي تظاهر ايتش ومدعى
مزبورك ابراز و استناد ايتديكي دفتر غير مصدق
اولمسه برابركف فعلى مين اولهرق اثبات
مدعايه كافي كوريله ماش وشهادتنامه دخي اصول
محاكمه حقوقيه قانونك التمش طقوزنجي ماده سي
موجبجه شاين قبول اوله مبوب مع هذا بش بيك
غروشي متجاوز اولان ادعالك سنده اثباتي
حكم قانون ايجابندن بولنش اولديني بيانيله
مدعى مزبورك ادعاسنك رديله جز موضوعك
فكنه وجز مقامنه قائم اولقى اوزره ارئه اولنان
كفيل ملقونك برائنه دائر اطنه تجارت محكمه سنندن
صادر اولان اعلامك محكمة استيناف تجارت
قسمنجه بالتدقيق بداية مزبور سارم اغانك تعيين
قلنان كونده محكمه ده حاضر بولنه مامسندنطولاي
حق محاكمه سنك موقتاً سقوطيله مصارف محاكمه
واجرت وكالتك كندوسننه حائدينه دائر غياباً
لاحق اولان اعلامك وقوعبولان اعتراض
على الحكم اوزرينه تصديق اولنديني طرفين
وكيللرينك افادات مشروحه لرندن اكلاشلمش
وشو حالده سقوط قراريني حاوى اولان اعلام
غياييك ا كتساب قطعيت ايدرك اغاي مزبورك

بداية حق دعواسي ساقط اولش واشبو اعلام
اخير عليهنده مزبور سارم اغا طرفندن طرق
قانونيه به مراجعت اولنميهرق تنفيذ واجرا دخي
ايدلمسه كوره اوچنجي بر عرضحال اعطاسيله ساقط
اولان حق دعوايك تجديد واعاده سي اصول محاكمه
حقوقيه قانونك اوچنجي ماده سي حكمنجه غير
جائز بولنديقنه وكرچه بداية شونقطه مهمه به
استناداً مزبور سارم اغانك رد استدعاسنه قرار
ويرلك لازم كلور ايكن اساس دعوى حقنده
تدقيقات اجرا اولنمى يولسر ايسوده تدقيقات
مبسوطه دخي استدعاى مذكورك رديله
نتيجه لنش اولمسيله نقيصه واقعه فسخي مستلزم
اسباب قانونيه دن كوريله مديكندن قانون مذكورك
بوز طقسان النجى ماده سنك فقره اوليسنه توفيقاً
اعلام مذكورك تصديقه حكمدن و مستدعى
تميز وكيلى كرقور افنديك اشبو اعلام عايهنده
لايحه سننده محرر اعتراضاتك باشلوجه سي
مابعدى وار

اعلان

محمود سامی و حسین حسینی و محمد نوری
 افندیلرله بهیه خانمک برنجی حقوق محکمه سندن
 استحصال ایتمش اولدقلری اعلانات موجبجه
 متوفی علی رضا افندینک تمیز کفیللری بولسان
 کمال الدین ورشید افندیلر ذمتده محکوم به
 الاجقلری بولسان معلوم المقدار مبالغک تأمین
 استیفاسی ضمننده یکریمی حصه اعتباریه متوفانک
 قدرغه حامنده متصرف اولدینی اون بش سهم
 حصه دن کفلای مومی الیهمایه انتقالی لازمکلان
 اوچر حصه لرینک تاریخ اعلاندن اعتباراً اون
 بش کون صکره بلزاید فروخته تشبث اولنه جفی
 درسمادت اعلانات نظامیه اجرا دائره سندن
 اعلان اولنور .

فی ۱۳ نیشان سنه ۳۱۲

محمد خالد بکک علی رضا افندی ذمتده
 محکوم به الاجنی ارلان مبالغ معلومه نک تأمین
 استیفاسیچون مومی الیهک عهدۀ تصرفنده اولوب
 مرهون و فروختی قرارشدیر یلان بک اوغلنده
 دولاب دره سنده یکیشهر جاده سنده تخمیناً یوزاللی
 آرشون عرصه اوزرینه مبنی و دروننده اوچ
 اوطه و برحمورلق ایله طلومبه بی حاوی بر عدد
 قیو و بر عدد حلا و بر عدد آخوری اولوب
 اطراف اربمه سندن ارقه جهتی محمولات دائره سی
 عرصه سی وصاغ طرفی ابرانی محمد اغانک توتونجی
 دکانی و صول طرفی قانون زقانی و اوک طرفی
 یکیشهر جاده سیله محدود و سنوی التی بیک غروش
 ایجارلو برباب فرونده کی حصه شایعه سی تاریخ
 اعلاندن اعتباراً اون بش کون صکره بلزاید
 فروخته تشبث اولنه جفی درسمادت اعلانات
 نظامیه اجرا دائره سندن اعلان اولنور .

فی ۱۷ نیشان سنه ۳۱۲